



11. august 2016

UKA 2016/60

Inatsisartut suleriaasianni § 33 naapertorlugu Inatsisartut aalajangiiffigisassaattut siunnersuut imaattoq matumuuna saqqummiuppara:

**Naalackersuisut attartornermut peqqussutip allannguuteqartinnissaat, ineqarnermut akiliineq bankip qaamatini ulloq kingulleq ammaffianut nuunnissaanut aalajangiiffigisassatut siunnersuut.**

(Inatsisartunut ilaasortaq Justus Hansen, Demokraatit)

**Tunngavilersuut**

§ 38 imm.2 landstingip peqqussutaa nr. 2 12.maj 2005-mit allaqqavoq kingusinnerpaamik akiliiffissap kingulliup qaangiunnerata kingorna ulluinaat pingajuanni akilerneqarsimassasut. Demokraatit anguniarpaat peqqussutit allanngornissaat taamaasilluni illumut attartornermut akiliutaasortoq bankip ulloq qaammammut ammaffik kingullermut akilerneqartalnissaa.

Allannguut taamaattoq arlalitsigut pitsaaquteqassaaq.

Siullertigut isumaqassaaq innuttaasut ineqarnermut akiliutaat akilerneqassasoq naatsorsuutigineqarluni aningaasaateqarfimmini aningaasaateqassasut pissutigalugu akissarsiat pisortaniillu pisartakkat piffissaq taannarpiaq pissarsiarineqarsimassammata. Siunnersuut una siunertaraa innuttaasut akiligassatigut kinguaattoornissaat.

Aappaattut attartortitsisut pisorta qarfinnit namminersolutillu inissiaatillit piffissaq eqqortoq pissarsiassartik pissammassut taamaattumillu akileeqqusissutit allallu kinguaattooqqassutitut aningaasartuutit annikillissallutik.

Isertuussassaangilaq innuttaasut pisortanut akiitsuut annertuallaaqimmat. Siunnersuut uumap kingunerissavaa akiitsuut annertusiartunnginnissaat, pissutigalugu ineqarnermut akiliut nusunnegassamat innuttaasut aningaasaateqarfimmini aningaasaateqarnissaat ilimanarnerpaaffianiissamat maannakkumut peqqussutitut sanilliullugu.

Partiit pineqartumut isumaat Naalakkeruisullu akissuteqaatissaat atuarnissaat qilanaaraara.

**Aningaasatigut allaffissornikkullu pisortanut kingunissaat**

Attartornermut peqqussummi paragrafi ataasiinnaq allanngortinneqarnissaa aallaavigalugu aningaasartuutissat annikinnissaat naatsorsuutigineqarpoq. Taamaattumik aningaasartuutissat Ineqarnermut, Sanaartornermut Attaveqatigiinnermullu Naalackersuisoqarfimmi pingaarnersiutinut nalinnaasunut ilaasinnaapput. Pisortat naatsorsuutigissavaattaq annertussasut innuttaasunit isertitassat ineqarnermut akiliinikkut pisartussaassasut, pissutigalugu siunnersuut tunngavigalugu naatsorsuutigineqassamat innuttaasut aningaasaateqarfimmini aningaasaateqassasut ineqarnermut akiligassaq nusunnegarneranut. Taamatuttaaq naatsorsuutigineqassaaq sinnersuut tunngavigalugu innuttaasut pisortanut akiitsuut annikillissasoq.

**Aningaasatigut allaffissornikkullu namminersorlutik inuussutissarsiortunut kingunissaa**  
Soqanngilaq.



**Aningaatigut allaffissornikkullu innuttaasunut kingunissaa**

Innuttaasut ineqarnernermut akiliisarnerat maanakkumut sanilliullugu piffissaq aaliangersimasumik siusinaarnerullutik akiliisalissapput, kisiannili kinguaattoornissamut kingunissaat annikilleriassaaq. Taamaattumik naatsorsuutigineqassaaq siunnersuut aalaavigalugu innuttaasut pisortanut akiitsuut annikilleriassasoq.

Taamatut oqarlunga Naalakkersuisut akissuteqaatissaat partiillu oqaaseqaatissaat qilanaaraakka.